

HARI PERANCANGAN BANDAR SEDUNIA

Hari Perancangan Bandar Sedunia disambut pada setiap 08 November bagi meraikan dan mengiktiraf peranan dan sumbangan para jururancang bandar dalam mewujudkan persekitaran kemajuan mampan dan inklusif bagi menjana kehidupan berkualiti.

Dalam menghadapi cabaran kemajuan semasa seperti perubahan iklim, pertambahan kependudukan bandar dan impak daripadanya, kepentingan perancangan berasaskan agenda pembangunan mampan yang juga perlu menitik beratkan keperluan dan kemanafaatan manusia menyeluruh (people-centric) perlu diberi tumpuan utama. Di sinilah letaknya peranan utama Jururancang Bandar Dan Desa yang bukan hanya sekadar merancang guna tanah, akan tetapi perlu menyeimbangkan keperluan manusia dengan keupayaan alam sekitar dalam mewujudkan persekitaran kemajuan yang mampan dan inklusif. Namun, usaha ini tidak dapat digerakkan sepenuhnya tanpa sokongan dan penyertaan masyarakat, yang turut memegang tanggungjawab dalam memastikan pembangunan dilaksanakan secara bijaksana dan berdaya tahan.

Di peringkat kebangsaan, Pelancaran Sambutan Hari Perancangan Bandar Sedunia akan diadakan pada 10 November 2025 bertempat di Kementerian Pembangunan. Tema sambutan **“Collaborating for Sustainable Growth”** menekankan kepentingan usahasama dan kolaborasi dengan berbagai pihak. Kemampanan yang inklusif tidak dapat dicapai secara bersendirian, sebaliknya memerlukan kerjasama strategik dan berterusan antara kerajaan, sektor swasta, institusi akademik dan masyarakat. Melalui kolaborasi ini, inovasi dapat digalakkan, idea baharu dapat dikongsikan dan penyelesaian mampan dapat dirangka untuk menghadapi cabaran perancangan moden seperti kepesatan kawasan bandar, pengurusan sumber serta peningkatan kos sara hidup.

Orang ramai adalah dialu alukan hadir menyaksikan pameran yang akan bermula pada 10 November hingga 15 November bertempat di ruang legar tingkat satu Kementerian Pembangunan. Sesi Dialog terbuka juga akan dibukakan kepada orang ramai pada 13 November dan 15 November 2025 sebelah petang di mana pihak awam berkesempatan untuk mendengarkan taklimat berkenaan perancangan guna tanah dan proses kemajuan. Sesi konsultasi dengan pihak Jabatan Perancang Bandar dan Desa juga akan membukakan peluang kepada awam untuk bertanya maupun mendapatkan nasihat khusus mengenai perkara berkaitan dengan proses kemajuan.

Tarikh: 7/11/2025